

Broj: 101- 2693/19 DžS
Zenica, 14.02.2019. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-2691-1/19 DžS od 14.02.2019. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU
o izboru najpovoljnijeg ponuđača

I
Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 716-2691/19 DžS od 14.02.2019. godine u postupku dodjele okvirnog sporazuma za nabavku ličnih i zaštitnih sredstava i prihvata se preporuka Komisije za nabavke, da se okvirni sporazum zaključi sa ponuđačem:

KOTEKS d.o.o. Tešanj

kao najbolje ocijenjenom ponuđaču, prema ponudi protokolisanom pod brojem: 716-1975/19 od 04.02.2019. godine, za ponuđenu cijenu od 89.300,00 KM, bez uračunatog PDV-a.

II
Prijedlog okvirnog sporazuma dostavit će se na potpis izabranom ponuđaču KOTEKS d.o.o. Tešanj, nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude

III
Cijena ponude iz čl.1. ove Odluke, nakon provedene e-aukcije je umanjena za 0,45 % u odnosu na prvobitno ponuđenu cijenu izabranog ponuđača.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

IV
Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

V
Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI
Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-344/19 BS od 11.01.2019. godine.

Javna nabavka je provedena putem otvorenog postupka sa zaključivanjem okvirnog sporazuma sa jednim ponuđačem na period od 36 mjeseci.

Procijenjena vrijednost javne nabavke bez uračunatog PDV-a je 90.000,00 KM.

Dana 14.01.2019. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-691-3-3/19 objavljena je i tenderska dokumentacija.

Poziv za preuzimanje tenderske dokumentacije broj: 713-343-2/19 BS od 14.01.2019. godine upućen je sljedećim ponuđačima:

1. RM Company d.o.o. Zenica
2. Inter-com d.o.o. Zenica
3. ZENKO d.o.o. Zenica
4. Koteks d.o.o. Tešanj

Na osnovu Izvještaja o preuzimanju tenderske dokumentacije od strane ponuđača od 05.02.2019. godine u 08:08 sati, utvrđeno je da su sljedeći ponuđači preuzeli tendersku dokumentaciju:

1. Ekapija d.o.o.
2. BBS Europe
3. Eorovez
4. TEVE Varnost elektronika d.o.o. Visoko
5. 6 novembar
6. MDN Trade d.o.o. Tuzla
7. Tehnička zaštita
8. RM Company d.o.o. Zenica
9. Annoa
10. Vatrosistemi d.o.o.
11. INKOS Export-Import d.o.o. Kakanj
12. Willona d.o.o.
13. Zenko d.o.o. Zenica
14. Vita d.o.o. Zenica
15. Proving inžinjering d.o.o. Sarajevo
16. Bejtkov
17. Danial s d.o.o.
18. Koteks d.o.o.
19. Inter-com d.o.o. Zenica
20. Porča d.o.o.
21. Prevent Safety d.o.o.

Rok za dostavljanje ponuda je bio 04.02.2019. godine do 13:00 sati.

Komisija za nabavku imenovana je Odlukom broj: 101-1/19 MS od 03.01.2019. godine.

Komisija za nabavku je dana 14.02.2019. godine direktoru preduzeća dostavila Zapisnik o ocjeni ponuda broj: 716-2691/19 DžS od 14.02.2019. godine i Preporuku o izboru najpovoljnijeg ponuđača broj: 716-2691-1/19 DžS od 14.02.2019. godine, u postupku javne nabavke za nabavku ličnih i zaštitnih sredstava.

Dana, 06.02.2019. godine, na prijedlog Komisije za nabavku, ugovorni organ je uputio Zahtjev za angažovanje stručnog lica, Kubat Benjamina, tehnologa zaštite na radu, za pregled ponuda u otvorenom postupku javne nabavke broj: 439-1-1-691-3-3/19, broj: 716-2112/19 MS.

Dana, 08.02.2019. godine angažovano stručno lice je dostavilo Izvještaj o stručnom nalazu pregleda tehničkog dijela tenderske dokumentacije za lična zaštitna sredstva, broj: 709-2450/19. U Izvještaju se navodi da je navedeno stručno lice sa članom Komisije Babahmetović Lamijom izvršilo pregled svih dostavljenih ponuda, te da je navedeni član Komisije evidentirala uočene nedostatke, a što je stručno lice potvrdilo svojim potpisom.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet),
- da je blagovremeno zaprimljeno 5 (pet) ponuda,
- da nije bilo neblagovremeno zaprimljenih ponuda,
- ukupno 21 (dvadesetjedan) ponuđač je preuzeo tendersku dokumentaciju sa Portala javnih nabavki

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

Uvidom u priloženu dokumentaciju otvorenog postupka za dostavu ponuda broj: 713-343-3/19 BS za nabavku ličnih i zaštitnih sredstava, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena bilo kojeg ponuđača neprirodno niska.

Ponuđač INKOS Export-Import d.o.o. Kakanj nije dostavio katalošku dokumentaciju sa naznačenim tipom nuđenog proizvoda kako je traženo tenderskom dokumentacijom. Iz gore navedenog razloga ponuda ponuđača INKOS Export-Import d.o.o. Kakanj se odbacuje u skladu sa članom 68., stav 4., tačka (i) Zakona o javnim nabavkama BiH.

Iz kataloškog lista za stavku broj 33(filter za hlor) ponuđač Vita d.o.o. Zenica je dostavio kataloški list(stavku) koja ne odgovara traženom. Tražen je filter za hlor tip B2 – za neorganske gasove i isparenja koji se stavlja na zaštitnu masku sa cijelom obrazinom. Iz gore navedenog razloga ponuda ponuđača Vita d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač Inter-com d.o.o. Zenica nije dostavio katalošku dokumentaciju sa naznačenim tipom nuđenog proizvoda za stavke 1,2,3,5,6,7,8,9 i 12. Iz gore navedenog razloga ponuda ponuđača Inter-com d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđači KOTEKS d.o.o. Tešanj i RM Company d.o.o. Zenica su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 13.02.2019. godine, u terminu od 12:00 sati. Ponuđač KOTEKS d.o.o. Tešanj je dostavio odgovarajući dokaz o preferencijalnom tretmanu domaćeg.

Ponude ponuđača, prije početka e-aukcije su:

1. KOTEKS d.o.o. Tešanj, sa ukupnom cijenom ponude u iznosu od 89.708,50KM, bez PDV-a
2. RM Company d.o.o. Zenica, sa ukupnom cijenom ponude u iznosu od 89.669,60KM, bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačna rang lista ponuđača, nakon završetka postupka e-aukcije:

1. KOTEKS d.o.o. Tešanj, sa ukupnom cijenom ponude u iznosu od 89.300,00KM bez PDV-a
2. RM Company d.o.o. Zenica, sa ukupnom cijenom ponude u iznosu od 85.034,00KM, bez PDV-a

Polazeći od gore navedenih konstatacija, shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „najniža cijena“, a uzimajući u obzir da se preferencijalni tretman domaćeg u iznosu od 5% primjenjuje na cijenu ponude ponuđača KOTEKS d.o.o. Tešanj, prihvatljive ponude/ponuđače kako slijedi:

1. KOTEKS d.o.o. Tešanj, sa ukupnom cijenom ponude u iznosu od 89.300,00KM bez PDV-a
2. RM Company d.o.o. Zenica, sa ukupnom cijenom ponude u iznosu od 85.034,00KM, bez PDV-a

te dala preporuku da se okvirni sporazum zaključi sa najuspješnijim ponuđačem KOTEKS d.o.o. Tešanj na period od 36 mjeseci.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



Direktor:

Pašalić Emir
Pašalić Emir, dipl.ing.građ.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1 x Služba zaštite od požara
- 3 x Članovima Komisije
- 1 x Sekretar Komisije
- 1 x a/a